

鐵龕詩草三集

貞士元
署簽

序


吾友王君岷源擅政事才向服官奉省歷任要職政績卓然顧性喜吟咏有所得輒隨意揮寫皆成佳構久之彙訂若干首名曰鐵龕詩草已刊初二集矣吾嘗爲之序事隔數年偶繙吾前所爲序閱之覺當時立言殊偏於感觸而不自知己失之支離也頃又彙訂近年所作行付續刊吾因欲以一言一掃吾五六年前之偏見而蘄以得其真第未知果有當焉否耶蓋岷源論詩夙主性靈故綜觀其所爲詩明媚如春

花美女灝瀚如大海秋濤雲霞燦其錦都梁芬其香
黃鐘大呂宏其聲龍騰虎跳雄其態然壹由性靈而
發曾未見有倚傍於所謂漢魏唐宋以下詩家之派
別者也吾向者妄爲比附宜乎其序詞之支離也夫
吾與岷源居同邑里自少時即以文字道義相切磋
徒以中歲倦遊戢影柴門滄海桑田鄉關淪沒故不
能無風景河山之感然謂岷源與吾同一感觸因或
寓於詩歌固無不可若謂岷源詩旨一一必與古之
詩人同其摩仿則豈通論歟抑吾於詩心躋岷源性

靈之說久矣曩昔書簡往還間以唱和恒欲有所論
列與相印證人事倥傯因循未果岷源邇且以奉天
財長代理省長公事旁午日昃不遑寧尙有暇與山
中故人論詩哉故吾亟願以一言正吾前非並藉岷
源詩集續刊之便聊抒吾區區之微意至若岷源詩
境之超曠自當與其功業學識以俱進則亦何需乎
吾之喋喋焉

民國紀元十年十月舊重陽節日

古南蘇李薑隱序



五十自述

吾年三十六始與塵網撙四稔巡遼郡一官鐵嶺城
滄桑忽易勢卓犖負虛名洊筦東南道兼轄鎮守營
世衰綱紀墜官濫節義輕興言擊笏憤掉首挂冠行
負疴臥故里束帛採虛聲重下馮婦車還愧王陽情
紆徐策劣駟崎嶇掣長鯨豈不憚艱險深懷國士盟
白駒忽云逝黑首霜易盈省身過未寡知命年已迎
椿庭聳高蔭梓樹垂繁榮天庥良已足世事復何爭
倦遊屢思返維繫迭相賡人壽能幾何徐俟黃河清

財政廳院老榆歌

老榆當院頭已禿低頭俯瞰長官屋長官更迭閱歷
多紛紛賢否都在目春風澹宕老榆歡秋風淒咽老
榆哭歡哭春秋幾百年膠膠擾擾及不穀不穀風塵
草草人摩挲不覺眉頻顫樹猶如此人何堪老榆視
我今爲孰榆自無言心半空卿輩數百容此腹過去
幾經榮與枯未來不識誰司牧來去匆匆過眼忙何
人皜皜秋陽暴低徊徐發老榆歌聊托友聲吟伐木

答友人

唐以詩取士不厭格律嚴亦如今制藝雕鑿趨巧纖
詩以陶性靈豈如兵符鈐天以自然健性以自然恬
人生有浩氣天地不能淹奈何吟咏苦轉如科律箝
烏難浴以白鵠難染以黔好醜各有適勿爲飣餼搏

詠史

古今治亂事相同得失分明在眼中政令已歸藍面
鬼屠沽皆作黑頭公桓溫甘遺千年臭孟德空爲一
世雄朝露未晞猶擾攘紛紛爭欲徼天功

中流無砥柱狂瀾世事都從冷眼觀已見摸金添校

尉更聞搜粟有都官羊頭羊胃羣謠起狐搢狐埋衆
語譙談到曹瞞爭笑罵如何人轉效曹瞞

十月桃花臘月雷休徵未見咎徵來冬行春令天無
狀石與人言鬼有才運至羌氏盡龍虎刼終闖獻等
驚駘從知治亂由人事莫向蒼蒼搔首哀

庚申歲暮寄懷兆備

公退裁書寄兆備邇來吟興漸疏慵我詩意造本無
法此世才多不若庸河北審逢空社鼠遼東邴管自
人龍近因多病懷幽靜何日蓴鱸願始從

依韵和傅立魚生女

人居渤海金山外氣薄橐天籥地間嘯傲江湖懸健
筆蒼茫身世隱嚴關秦簫佳話三生証鄴瓦新詩一
例頒縱未緇郎傳異事慰情徵士且怡顏

本非好辯承三聖不敢隨聲薄五倫未脫情緣人說
夢偶留色相佛談因銀魚白傅憐嬌女玉勝王家有
賀賓應識屬毛離裏義吟成弄瓦等純淪

十年夏歷辛酉元旦

歲值金鷄十易霜夏正首祚布初陽九街燈火星無

數萬戶桃符日有光井卜犧爻推國運

世按邵子皇極經
民國十年卦

值水
風井

泰交麟筆紀春王今朝猶是承平象爆竹聲中

夜漏長

觀碁

爛柯山下看殘棋局亂無分黑白時老蚌相持同敗
鵝羣雄競逐孰甘雌胸中經緯堅如壘口角文章頌
似碑底事盤盤成大錯可憐著手太離奇

望江

松花江接黑龍江割破中流砥柱雙流濁流清渾不

辨浪花亂濺打魚椿

一夜風雲變態奇
排山白浪起蛟螭
斷檣折楫浮江下
往事回頭不忍思

清明後一日

萬里城東氣候偏
仲春時節似秋前
清明已過猶飛雪
寒食由來不禁烟
龍塞風高沙碾地
鴨江冰泮水浮天
綠楊紅杏探消息
花事遲遲似去年

三月七日作

三月風光尚裊裊
裘邊城春色望悠悠
黃塵簌簌從天

降

是日降黃塵如雨

白雪潺潺化水流洛上杜鵑空感慨

近年北地漸暖

皆謂天道北行每作洛橋杜鵑之感

太常仙蝶更遲留

去年正月二十七日家父壽辰有蝶當塔緩飛

高蔚然觀察謂太常仙蝶竟在遼東今已三月猶無蜂蝶

從今願借東皇力萬紫千紅

一覽收

感賦

世亂公道湮閱深功名冷進固非伊周退亦無箕穎
緬彼曼倩翁龍蛇隨化境詭時故不逢朝市隱形影
屈伸變化間迷夢醒宜猛侈口談勳名療飢同畫餅
何以安美寢委吏滋味永

驄馬行

吉林孫督軍黑龍江吳督軍各贈連錢驄馬一匹即俗稱菊花青也

孫侯吳侯今健者生平同好好良馬千里能逢伯樂
知萬金遠市大宛野知我結習似支公但愛神駿氣
如虹不惜絡頭空冀北雙雙贈我連錢驄青驄立仗
屹相向驤首嘶風轉惆悵銀蹄踣鐵蹴春泥丹青未
畫瑤光上我本書生計已非十年磨劍說戎機至今
四海干戈際謝艾邊才百慮違對此名駒重太息伏
櫪不鳴三品食愧煞當年傳休期下作露布上擊賊

袁潔珊以入京四詩見寄依韻和之

杏花春雨又相逢華髮將顛兩鬢蓬欲買青山何處
住江湖滿地夕陽中

柔桑何處詠侯甸莫羨桃源避世人除却武林溪上
路落花流水一般春

天地蘧廬到處家漆園無奈著南華濠梁悟得鯨魚
樂流水無心送落花

蒼茫四海動征塵處處欃槍自作圍跳出滄桑安步
去雲山千里草輭新

沈石田畫京江送遠圖

此圖絹底卷首題詩處稍殘

明代丹青誰居首南中老輩石田叟一軸京江送遠

圖長歌記自梅村手

圖爲吳梅村五世祖遜菴之官叙州時沈祝諸人所贈梅村詩集有京江送遠圖歌

崑崙磈道啓蠶叢峰外三峰碧插空繫纜錦江官柳
外嚴裝祖帳驛亭中諸葛城荒石棧麓李冰路轉顛
崖腹七尺霜縑萬里形毫端腕底雲烟簇變亂曾經
典市歸按梅村詩序此圖曾入典市經梅村手贖歸舊家故物是耶非蜀山面
目眞如舊石棧摩天壓翠微昔日悲歌動故主名流
韵事從頭數今我作歌歌此圖嘔啞愧失邯鄲步

問天歌

共工觸首摧不周女媧補天煉石頭現身不是參天
地安能手扶雲漢撼山邱橫空一劈巨靈掌五指落
地五嶽長旋踵蹴折扶桑枝昂首青天如戴盎至於
防風專車同削癥夸夫逐日等蹢躅鴻荒至今幾甲
子不知何年始縮黃土搏愈縮愈多人滿患輒經天
概付塗炭兩間萬物皆芻狗滄海桑田迭相變巢木
鷦鷯只一枝飲河偃鼠但療飢奈何蠻觸爭蝸角天
地尙寬總不知大氣輪迴丁厄數艱難末劫嗟天步
再化蟲沙與猿鶴小千世界等破瓠眼看五嶽欲成